

雜  
劇  
三  
集

雖展中朋  
有一種秀  
色幽香洵  
是名士

旗亭讌

掌霖張龍文著

西江月

未上寥落一生無可騷腸病骨愁魔妝成

新譜按漁歌莫遣漁郎笑我佳句珠涼玉火知

音錦陣花窩旗亭無恙到今麼容我橫襟上左下

正名

俊才人爭價酒家胡

巧雙鬟獨引涼州調

第一折

步步嬌

生貂帽重裘上是好大雪也千尺龍梢和

方  
言  
爲。昨。丙。夜。天。成。皓。晨。炊。咽。曉。風。繡。被。添。寒。孤。客。先。  
知。覺。詩。思。渴。難。消。助。江。山。倩。出。滕。公。哨。客。懷。淒。絕。  
歎。如。何。贏。得。詩。名。付。嘯。歌。夜。靜。天。公。欺。落。魄。梅。葩。  
點。盡。雪。莎。莎。小。生。唐。進。士。王。之。渙。是。也。赴。舉。京。師。  
隻。身。旅。邸。謬。塵。詩。隊。忝。重。時。流。稅。居。這。旗。亭。左。側。  
名。勝。一。區。過。從。有。當。代。高。賢。羊。求。二。仲。正。是。癖。酒。  
耽。詩。今。日。事。提。青。拾。紫。異。時。緣。昨。晚。卧。中。寒。峭。原。  
來。下。這。一。場。大。雪。好。也。幾。日。來。詩。情。微。澁。對。此。清。  
光。殊。覺。助。人。吟。興。只。是。王。少。伯。高。達。夫。二。兄。往。常。

遊處畧同、都也風塵未偶、因何掃徑、尚缺披衣、想  
應不久、便當移屐、我且把這雪中遲客、吟一小詩、  
沉吟介玉龍飛甲、載江湖綠水丹山、盡畫圖、我待  
高吟酬碧落、拈髭未了、客停呼、又散步、沉吟暫下  
外、美髯小生蒼髯各煖妝上

**前腔** 萬斛清寒、令人老、冷盡長安道、堆花壓柳腰、  
蠟屐經過、不用山陰棹、鹽絮舊題標、綵毫端自有  
**新篇妙**、外、小生王昌齡、小生高適、客中清寂、  
待訪王郎、劇話去也、平園新泥印、玄亭舊臥遊、此

間已是徑入則箇生散步沉吟上拈髭未了客停

呼外撫生背介這呼可停得了生驚介呀二兄幾

時來失迎也外知卿苦心特爲破夢小生正說王

郎自有新篇妙適來佳製可得口占生便是竚候

芳踪杳然車轍就將雪中遲客成一絕句二兄休

得見笑外小生願聞生吟前詩介外小生好詩也

王郎此間對雪甚佳奈乏一尊澆贈何不向旗亭

領醉一回生正欲如此便同二兄前去行介

賦詞令

生正西洛詞箋滿瓢又東鄰酒旗相召外

小生寒颼不小。賒不得玉顏山倒。正蘭陵玉窟饒。試鶯鱸。劉白座。咱家們認早。生來此是旗亭也。酒家有麼。丑扮剪頭胡雛著犢鼻褌上。釀成沆瀣觴。王母點就葡萄試索郎。呀。衆郎君來了。今日雪情風氣。曉得郎君定覓鱸頭。早熱下桃花雨。薔薇露。數瓶相待。那臨池小閣到也。清幽。郎君那廂坐去。衆坐介。丑誓下。生二兄。你看那白茫茫一帶。是驪山也。那搭是馬嵬坡也。小生那壁參參差差的。是今上新建的花萼樓。勤政樓也。外二兄。這雪裏山。

旗亭讌

三

容又是一般光景。

**沉醉東風**

外鎮相看眉修黛。驕。陡。今。朝。髻。瑩。裳。縞。

望秦宮漢寢。笑指道。琪花瑤草。想當日。秦。始。皇。發。

灰。徒。十。萬。開。這。驪。山。今。日。呵。阿。房。酒。潮。咸。陽。炬。鑒。

那些個。崔巍萬槌千鑿。丑上好山飛。侑酒。佳客坐。

臨池酒到。下衆飲介。小生是也。饒他事業千秋。怎。

及當前卮酒。你看那驪峯絕頂。千章玉立的。還是。

當年五大夫松。他歷過幾多冰雪了。

**好姐姐**

孤標幾花朝月宵。妝點就怪鱗奇爪。神明。

棲護吼吟常半霄。二兄這松呵。他倒曾受王封似  
我。你這條綵筆。未審後來比他受用。還是如何。如  
何道離奇。可是凌煙料。怕雪壓寒貂。凍不消。生達  
夫兄。休是這等說。記得少伯兄詩否。當爲時世出。  
不由天地資。我輩行藏好。問那箇。只問我你酒家  
那有丑。上生爲我再熱幾醕酒。并取個大白來。丑  
有我家自藏迦勒玻璃醖。常趁新豐琥珀醖。下取  
盞并酒上復下生。二兄嘗試引滿聽小弟一言。

**園林好**。比如那頌仙遊。凌雲待飄。就如今奏清平。



紅綃潤毫。儘說得文章能嘯。那些箇待風高。那些箇倚天曹。小生只是小弟常想朱買臣行年五十當富貴。祇如今王郎是裘馬當年。少伯亦風期風壯。只我高適五十爲詩。百年已老。假饒朱買臣在。今日可不是會稽太守了。生勛名早晚。自古不同。當日公孫弘牧豕海上。蹭蹬七旬。漢武皇帝纔拔他做箇賢良第一。小生笑介。聽王郎說公孫弘七十賢良。小弟還該有二十年共此寒雪。好冷也。衆大笑介。外王郎也說個晚達的比方。若論今日高

兄待得七旬。那大羅天榜。怎待得七旬的高兄也。  
衆又大笑介。

**江兒水**

外。醞酒閒評弔。談幽並鹿蕉。朱買臣也等。

得著公車召。公孫弘也盼得上賢良詔。我高達夫。  
可只落得箇旗亭傲。一樣壽星出跳。千斗珠璣少。  
不得都向天家賣耀。內作鼓樂介衆立聽介。是何  
處樂響。再聽介。生這一派法音。隱隱是花萼樓中  
出來。想皇上萬幾初暇。賞雪筵開。梨園供奉。奏霓  
裳羽衣。爲民間賀太平也。那知道我輩寒冷。

五供養犯生法音飄渺。仙隊雲頭。仙響梅梢。新聲

傳道。調錦字。出銀橋。想我輩詩詞。流傳宮禁。這些

時御前奏出。亦未可知。清竒樂府。儘博得崖公誇

好。道珊瑚枝盡響。翡翠羽全嬌。也慰這風雪蕭騷。

聆此豪華。我輩如何不痛飲。大嚼介淨。扮內使負

皇封。馳馬上霜心。迸出渥珠酣。驛使飛馳。佐禁盤。

解得調元心事苦。大家親手劈餘甘。咱們奉著勅

旨。將江南新進柑子。傳賜百官。不免走一遭也。走

馬介外衆望介。這內史分明說奉旨傳柑的故事。

哩止是君相同一心間闍歌萬福

**玉交枝**外南天聖果日邊來臚傳錦幟破時香沁

涎先潦自天題處難消若是我們這番遇合呵大  
官蔗漿捫腹餐紅綾餅餛磨牙咬撒鹽鹽蘸隨些早  
朝做鹽梅添些畫卯末扮差官雜捐大旗上書奉  
旨賜餉鳴鑼上九稔仍飛六出雲星官屢奏泰階  
平班朝無事歸驄早百戲樓前赴大烹咱們是京  
兆府差官宣旨爲著連歲豐稔賜天下大餉十日  
列位好酒多飲好肉多吃纔是這邊叫了到那邊

宣去。鳴鑼下。小生原來是覃恩賜舖我輩。又須沈醉幾朝也。正是王聖誠爲瑞，寒深越是春。

**川撥棹**

小生真歡樂。報昇平一個饒。小旗亭酒旆

須挑。小旗亭酒旆須挑。趁仕女們紅嫣紫妖。我們又添幾個詩題也。醉花驄是一條。鬪魚龍是一條。內笑語介。前日勅賜吉光裘供奉。怎生不著。生衆驚聽介。又作語介。篋篋供奉。今日不來。大是悶人。生是何處客到。我去看來。捷下。卽笑上。二兄大奇。大奇是一班女娘。奢華豔曳。都雅頗極。像也到旗。

亭索飲吧、二兄、真神仙中人也、

**香柳娘**

生是神仙降霄。是神仙降霄。月拖雲裊。天

街一道香風繞。態麗兒怎學。態麗兒怎學。嫩臉杏  
蓓天纖腰柳尖小。選也選不出這一千人物。便畫  
圖也少。便畫圖也少。巫山寂寥。桃源怎索。丑上雜  
扛火爐隨上。衆郎君坐久。身上得無寒冷。酒家特  
備獸炭紅爐。贈君圍擁。若是腹中饑餒。酒家自有  
黃梁。生。生受了。這爐好放在那邊。丑放下。外。據王  
郎說來。莫非是內家妝束也。我們既有火爐在此。

且共圍爐、讓他深坐、生是也、二兄、

**尾聲**他是雙成。萼綠閒尋。閣外小生。王郎措大。風魔藏著。且和你把酒。思才情冷處。敲衆作擁爐。或散步隨意下。

第二折

末淨俱胡帽胡錦衣。拴絲持樂器上。末月支香染。驢驢裘裂譜追雲入九秋。淨曲曲天音稱第一名。玃勅賜動盈籌。末咱家內供奉李龜年是也。淨咱家賀懷智是也。我兩個今日在花萼樓中。侍筵賞。

雪頃已護駕還宮、拉取那女樂班行、同向旗亭賞  
酒、酒家、咱們人馬多些兒、道是那廂兒可寬坐得、  
內應臨池小閣、東次廣几、可容供奉、們寬坐也、末  
淨如此甚好、且待他們到來、老旦貼旦小旦旦各  
艷妝持樂器上、老旦前頭絲管世間無、貼到處圍  
花簇綉圖、小旦消得真人頻蜨斗、旦輕扶銀蒜近  
簾鬚、老旦妾身潘昭是也、貼妾身張雲容是也、小  
旦奴家永新是也、旦奴家李十二娘是也、蒙李供  
奉相邀、向旗亭望雪、不免同走一遭、入見介、老旦



原來先在這裏了。末酒家說這廂可以寬坐、果然  
到也幽雅。淨適纔雲容姐獻舞、太真娘娘贈詩、說  
羅袖動香香不已、香不已、可謂盡舞之妙。老旦恰  
纔這舞、不愧那詩。淨今日聖人大駕出宮、聞有咏  
雪的聖製、供奉記來否。末記得不全、只中間警句、  
說北風勇士馬、這氣概兒、可使才人闌筆。且又聞  
供奉絃索班頭、原來又是談詩積祖。末笑介、取笑  
了。丑上、舊釀旣爲才子盡、新醅初就美人嘗、供奉  
們酒到。丑下。末天色深寒、我們且立飲數巡、以玩

山色、外生小生、上作圍爐潛聽介

點絳脣。末。咱的是羯鼓名流。琵琶壓寨。清平代。供奉回來。又和著這金釵凱。

北混江龍。龍樓雪蓋。那搭兒君王妃子錦相捱。常

則是花園步障。說不盡香裊簾懸。淨。他戴的。末。他

戴的。九真溪珠。母貢龍胎。淨。他穿的。末。他穿的。三。

桑。國西女朱蠶。帛。淨。他喫的。末。他喫的。連雲棧紅。

塵。新荔。淨。他睡的。末。他睡的。斯調海火浣霜縞。淨。

他簪的。末。他簪的。通天纛玉雞驚駭。淨。他踹的。末。

點綴太真  
事實閑雅

他。踹。的。火。齊。珠。珠。燕。胡。猜。淨。到。春。來。末。到。春。來。沉。  
香。亭。課。名。花。錦。拍。淨。到。秋。來。末。到。秋。來。長。生。殿。誓。  
私。語。金。釵。淨。醉。呵。末。醉。時。節。團。粉。腮。染。桃。花。小。雨。  
淨。倦。呵。末。倦。時。節。含。酥。乳。剥。紫。芡。新。蓓。淨。他。於。供。  
奉。們。何。如。末。他。於。供。奉。們。愛。得。哈。淨。女。娘。們。末。女。  
娘。們。熱。得。乖。淨。是。那。裏。來。的。姻。緣。也。末。他。姻。緣。是。  
王。母。前。瑤。池。畔。下。了。千。生。拜。淨。再。呵。末。再。呵。觀。音。  
座。紫。竹。林。請。了。萬。生。該。酬。得。個。做。鵝。鵝。今。生。歡。愛。  
成。連。理。鳳。世。情。懷。這。椿。椿。兒。完。辦。纔。博。得。個。鈿。合。

和諧。生衆私語介原來是這一千人也。丑上花露連罌倒名卮入座飛天暮雪狂供奉飲酒如何用得小杯前日張果先生同葉師尊向店家索飲留下麴秀才出上金尊一副聊代典衣那尊容可二升氣不外散敢將來供奉們取醉出巨觥衆驚視介是好器物哩末我便向潘家娘子斟下一甌索取清歌一曲老旦狂污怎了淨我們且坐者老旦受酒飲介外私語生小生這些樂府名詞多諧才人格調我輩聽他入歌多寡以定詩品優劣道是

如何、生小生此論大妙、只索佇聽則個、淨歌便歌  
了。怕看官們未曉好歹。先把粉本表白一番。老旦  
我唱個寒雨連江夜入吳。平明送客楚山孤。洛陽  
親友如相問、一片冰心在玉壺。煩姐妹們和來。貼  
使得。老旦唱衆細樂合

**南桂枝香** 今宵人在平明吳會。一天寒雨連江一  
葉秋帆若芥。雒陽雲處埋。雒陽雲處堆。楚歌欸乃。  
玉壺無礙。送君來。親友如相問。冰心寄好懷。末衆  
妙妙。這送別詞一字千回。不啻杜鵑啼也。貼不啻

斷猿淚也、我輩皆當引滿、以送好音、衆飲介、生道  
間所歌、是少伯兄詩、外正是待我向壁間記著、起  
畫介、一絕句、復坐介、我們再聽來、末衆唱、

**北油葫蘆**

潘家娘怪不得娘、娘行直恁愛鎮朝昏。

不教伊出外、只聽纔連江寒雨、怎安排他詩兒分。  
明一幅秋江繪你歌兒、偏標兩點春山黛、比如你  
一字兒一刻敲、百聲兒百轉色、試推窗覷呵、恐梅  
梢早有停雲、在這班行中、怎不占個花魁、老旦過  
獎了、我們拙醜、只是拋磚、雲容姐、你好生技癢哩、

契濶多離  
別綢繆到  
生死卽達  
夫此詩中  
句

這次且待奴家送酒、送貼貼接介何事潘娘挑決、  
吾短生那壁廂又待歌也、各竦聽介貼我歌個短  
些兒、開篋淚沾臆、見君前日書、夜臺何寂寞、猶是  
子雲居、貼旦唱衆樂合介

南八聲甘州開械一嘅。是子雲前日。雁足魚胎。琴  
書清快。不信這人歌薤。綢繆昔擬同生死。契濶多  
因離別挨哀哉。望蕭蕭寂寞荒萊。老旦衆拍手介  
妙妙。小旦這傷逝詞。正如月下清笳。寒垣孤嘯。休  
說人可沾衣。就是兒應頭白。貼旦怎敢當耶爲供

奉侑酒地耳。末衆我們安可不飲。共飲介。外這所  
歌是達夫的句。小生正是待我也記著。作畫介。一  
絕句。生這番一定是王郎了。又坐介。末衆唱

**北天下樂**

雲容姐。你是蒿里出。橫門人。海上來。淒

也麼哀。愁他夜臺。小旦唱韓娥傾城啼。嫗孩奏清  
商。聽是纔盼青絲愁。早白這歌我也置不盡的形  
容。只和你大著聲。喝個采。小旦既然對酒當歌。姐  
妹們歡劇如此。我永新怎的了也。衆妙妙。我們先  
奉一盃。這纔是永新姐。生跳起欲闌入介。外王郎



怎來只此擁爐休傷雅致、生復坐介、小旦我唱箇  
奉帚平明金殿開、且將團扇暫徘徊、玉顏不及寒  
鴉色、猶帶昭陽日影來、姐妹們和者、小旦唱衆樂  
合

南解三醒瘦月影照人無賴、便平明也團扇空懷。  
羊車到處開金殿、不此地暫徘徊、玉顏織素冰能  
火、薄命踈紈雪不皚、昭陽債、那些個寒鴉猶帶日  
影飛來、衆妙絕矣、這官怨字字長門風景、昔日阿  
嬌百金買賦、若聽了這歌、千金怎的酬價也、旦此

是永新姐擅場、誰可與爭鋒、當日廣場發聲、寂寂  
若無一人者、何況今日寥寥數輩、貼旦供奉飲酒、  
此酒千金價也、共飲介生、這所歌像小弟的秋宮  
怨、小生只怕還是少伯的、外休爭、小弟已記著、畫  
介又一絕句、小生你王郎歌壁上頗少、怎的了、外  
外間只說三詩人齊名、今日看來、王郎正當奉我  
爲師、生罷了、這是曲卑和衆、所以巴人歌下里、我  
是曲高和寡、正須白雪調陽春、指旦介二兄、看這  
雙鬟、衆中尤絕、小弟之詩、須是伊人纔解歌得、小

生不歌怎好。生不消說。只這牀下。就拜二兄爲師。  
若是王郎詩。這師席還是王郎坐下。外小生笑介。  
那有此話。且看他末衆唱。

**北那叱令**

好一個永新姐。香生生嫩顏。溜圓圓料。

才意閒閒俊灑。字晶晶緊篩。九天上唾咳。緱山上  
剪裁。貼旦。那有個廣場兒。敢口開。就我這姐妹們  
叩首該。這境界怎的造也。纔是我曲譜中少室蓬  
萊。小旦。拙惡怎好掛齒。只李十二娘閒評。冷覷吾  
輩。如何當得。末衆自然逃不去了。送酒介。旦逃了。

如何、小旦就十二娘也不肯、生那人來也、立聽介  
旦我歌一個黃河遠上白雲間、一片孤城萬仞山、  
羌笛何須怨楊柳、春風不度玉門關、旦唱衆作樂  
合

南醉扶歸望迢迢不盡黃河塞、間重重萬仞故城  
排你笛怨何須訴荒臺、我柳枝已辦和愁害、博得  
個玉門關外報春來、敢倒白雲索性和春買、衆妙  
哉大奇調哩、生大叫跳笑介如何、小弟不妄語也、  
難道還是小弟拜二兄、還是二兄快拜小弟、末衆

驚顧起立介老旦獨進前問介諸郎君圍坐許久  
未審因何得此歡噱衆各立近前聽介外小生亦  
立介小生女郎見這壁上否老旦壁上怎麼外適  
來側聆衆妙歌詞盡是三人染作衆驚介呀是三  
詩人了又思拜訪幸此相逢又幾作相逢相失外  
豈敢只是前歌所及惟我二人獨此王郎杳無所  
遇他也注意雙鬟私念定邀玄賞及至發聲一曲  
居然唱徹涼州故此顛倒有驚四座耳老旦元來  
如此姐妹們傾慕許久今日不意班荆郎君能俯

就塵污、勉留樽俎、使姐妹一觴一曲、少接玄言、進退未敢、外小生怎好如此、正恐累清几耳、外衆左末衆右列坐介衆旦送酒介外小生唱

**北金盞兒**

是何緣、迤逗得風雪綺羅偕、飯胡麻、劉

**阮遇天台**

生適纔聞說李十二娘、便是、臨潁的、李

**十二娘**

末便是、生謝了、謝了、你按涼州、幫襯殺免

**我延師拜**

旦何敢當、是有慚作者、生再要怎麼妙、

出落恁清奇瀟灑、安一字、魂立化、媚無涯、老旦歡

此良夜、又遇佳賓、筵中無以爲樂、李供奉帶得羯

鼓來否。生便是今日失攜。殊垂風景。老旦怎好。永  
新姐。不用絲管。只是姐妹們合調清歌。相送郎君。  
嚙飲何如。小旦甚好。歌那一套。老旦諸郎高士。怎  
用舊本。就是早間新譜的罷。小旦是輕羅浴彩。老  
旦便是就請永新姐起調。老旦這們郎君請酒。外  
自當痛飲。

**南安樂神犯**

小旦唱衆旦接。輕羅浴彩。錦江濤井。

染入看纔。裁成舞袖。踏香階。香塵不已。梅魂在滴。  
露紅。渠態麗。日錦桃腮。麗日錦桃腮。找個秋煙帶。

排歌雲輕緩風小。俳。鴛蓮微滑。蹙新苔。鶯初駭。柳乍抬。清池拂破溜。鵲釵外。衆撫掌介。妙也。真是裂石穿雲。此曲祇應天上有。說甚純狐把板。彭昭按腔。如何能及卿家萬一。老旦過獎。官商有乖。匠石莫笑。生再要怎麼。只是所歌咏舞新詞。耳所未聞。應是誰家手筆。老旦這詩。郎君怎的知也。便是今日花萼樓開宴。這雲容姐獻舞。太真娘娘贈詩。姐妹行打入箏絃。用資酒佐。外小生原來如此。其詩云何。小旦羅袖動香香不已。紅渠裊裊秋煙裏。輕



雲嶺上乍搖風、嫩柳池邊輕拂水、外衆好也詩句  
豔入芙蓉、新歌更瑩如秋水、可稱兩絕矣、女娘們  
直恁高才、

**北寄生草**

直恁才無賽、各指巾介、頭中弄甚乖、說

甚麼班姬擣素文、君白說甚麼明妃彈撥文、姬拍  
又說甚麼蘇娘織錦、徐娘冊、如今是機雲司馬盡  
裙釵、可知道磨旗逼壘、高王敗、老旦娘娘信是高  
篇、妾輩何當雅譽、歡坐良久、未審門外雪深幾許、  
妾想人生世界、無過爲得與花月周旋、這雪仙家

謂之天公玉戲、然而就不常了、爲樂及時、無過此際、郎君對此佳景、會拈得新句否、願一展誦、以豁塵心、外沒有、生真個沒有、小生我二人果然未拈、這王郎到會有一絕句、且貼旦向生介、願聞妙製、小生不須問及王郎、小生代誦便了、玉龍飛甲載江湖、綵水丹山盡畫圖、我待高吟酬碧落、拈髭未了客停呼、衆妙絕、大高作、郎君爲何藏寶、貼旦、慕此良近、未罄歡歌、套本既不可陳、內詞又未卽解、何不將此新詩、點入歌譜、以代一行酬劇、老旦、這

是王郎詩。須我輩調絃。十二娘記拍。旦還是潘娘。  
老手雲容永新姐作家。老旦你是雙鬟。旦是甚的。  
雙鬟也。這們郎君供奉。俱須小飲一會。待奴填板。  
老旦衆調絃外衆飲。旦沉吟介。

南阜羅袍

旦唱衆作樂合大海玉龍飛鎧。遍江湖

甲碎。匝地鱗埋。綠水丹山放歌回。青蓑碧落高吟。  
再驚人可未。拈髭細措。誰行訪踏。攜犁打柴。停君。  
半刻酬他債。外小生妙絕矣。諧曲當筵。音詞清洽。  
是人間一絕。况兼吐納之際。妙有餘情。卧雪高懷。

呼之欲出、怎不教王郎愛殺也。生可惜鄙詞不足傳、未免唐突韻事。旦倉卒填按、正恐有傷名句。生卿家仙才調也。淨郎君只是聽歌、未詳本末、這是臨賴李十二娘。生是呢、公孫大娘弟子也、劍器一舞、天下無雙、還有這般絕技。旦便是今日相攜買醉、劍器却未帶來、若是郎君不嫌、請爲君清舞。郎君立飲數行何如。外衆甚妙、甚妙、只是不敢動勞。老旦今宵勝會、願結三生、說甚勞也。撒筵介末淨執板衆旦以次獨舞介又合舞介

北對玉環帶過清江引天上休來。淒清怎的捱。天  
上休來。淒清怎的捱。衫袖自縈迴。長年沒個哈。天  
上休來。淒清怎的捱。怎比人間界。熱擎奇軟溫存。  
迤逗煞。

前腔天上休來。淒清怎的捱。天上休來。淒清怎的  
捱。玉杵自皚皚。天家沒箇裴。天上休來。淒清怎的  
捱。怎去人間界。醉懽騰舞闌珊。疼痛煞。外有勞了。  
謝了。仙音仙袂。色色天家。生幽豔。淒涼這霓裳羽  
衣舞。書生們何處聽來也。老旦猶此興長。可惜夜

艾、姐妹們只索去了。外衆謝卿輩情多、慙愧纏頭  
之錦。旦衆說甚話來、謝郎君賜教、不減瓊玖之貽。  
姐妹去了也。雪深何意月裙拖。酒畔相逢少俊多。  
攜手踏歌雲裏去。斟量國腹待銀河。下外小生、生  
弔塲生二兄、無端佳晤、不啻遊仙。咱們歸去也。行  
介生原來、又有一輪寒月。

**南尾聲** 二兄這美遊仙到、送得人無賴。外小生王  
郎那雙鬟、今夜敢夢中來。生歎介我明日呵、教我  
怎向旗亭坐雪齋。

外不留人住意如何小生怪逗情緣腕有魔  
生欲訴相思明月冷輕聲喚出又歡歌

錦

方

羽



餓方朔

笨庵孫源文著

東方朔蓬萊開大口

西王母下界淘閒氣

正名

餓神仙慚愧郭舍人

耍文才遭魔漢武帝

楔子

末扮東方朔上論兵學擊劍三冬足文史浮沉金

馬門臣朔饑欲死咱家東方朔便是耻作頑仙樂

此編可稱滑稽之雄  
令人解心  
駭耳

餓方朔

游塵世、身居禁近、不礙朝真、昨日蓬萊宴上、蒙王  
母娘娘問咱、人間何者爲第一、咱奏言、文章學問、  
第一、當有劣仙郭滑稽越奏說、人間有福之人爲  
第一、咱不覺呵呵大笑、仙班左右勅咱失儀、咱奏  
言、郭滑稽雖是朝真末品、現謫塵世舍人、每在虞  
天子前被朔難倒、敲臀榜背、涕哭呼嚎、今來又與  
臣執拗、將市井濁言、上瀆天聽、難聞下土、故臣失  
笑罪該萬死、蒙王母娘娘聖恩赦卿無罪、候返瑤  
池、另旨定奪、只索祇傍則箇、淨扮郭滑稽笑上、只

我便是郭滑稽。叵奈中郎東方朔節節難爲小子。昨在蓬萊宴上。他忘了餓得眼花。還說甚文章學問。依然談笑詼諧。我看娘娘仙旨者。且扮王母上。俺因東方朔郭滑稽惑亂仙凡。宣他候旨您兩人可聽者。東方朔引一般能文仕女。郭滑稽引一般有福東西。同向人間看誰第一。便知勝負。俺隨後臨月親觀也。

**仙呂端正好** 蔚華班。靈谿駕。那些箇侍從仙家人。間也傳多少譏嘲話。不著您調紅雪。看黃芽。收金

虎掌白鴉放假咱一刻邯鄲暇。下末淨俺去來看誰勝負也。

第一折

仙昌點絳唇

王母引仙女上母星簇珠芽日裁金

瓣天一搭冉冉行踏折莫罡風下。仙女奏娘娘自下天門從西極至此三十五萬七千里也呵。下面一塊土兒剛剛九千三百零二里便是漢家請娘娘俯看者。

混江龍母

山川如髮俺細跟尋詳指點密分花。劉

徹劉徹、你在這一粒兒中間稱主也。您手心大、宇  
厦指搯樣塵沙。跣跣刀尖土。分番漢。虛丕丕筆。  
頭裏辨夷華。算星辰老軒轅。都來浪忖量。造春秋。  
小仲尼蚤也。問招架可憐煞。回頭話把。眨眼生涯。  
仙女奏娘娘。已下臨長安城也。母分付收拾祥光。  
仙彩休驚下土者。

**油葫蘆** 您道千古長安帝子家。昔和今。真共假。周  
長秦短幾爭差。這興亡何時是了也。河山兩絡分。  
天下。環城八水圖。王霸我看山川秀麗。方朔所言。

果是文章之府。研池波清。渭流筆山。波終南架。有  
文辭爭怕供描畫。郭滑稽恁小子合敲牙。末上臣  
東方朔仰候仙旌。塵中稽首頓首。母您得甚人來  
也末臣得少年才子終軍。請娘娘聖目遙觀者。終  
紫衣童子上。小子終軍。蒙東方先生薦舉。往給事  
漢廷也。下

**天下樂母**點點星星格調佳。誰家玉笋芽。有神仙  
生成福分啗。只怕請彰纓。膽氣粗。對白麟。心性雜。  
剗甘羅。踰緊凌雲襪。末臣又薦太良司馬遷。蜀郡

司馬相如者、二徠一冠帶綉衣一文士扮上俺司  
馬遷和相如入直漢廷、皆東方君所薦也、**下**

**那吒令**

母一箇總百家似緝一把麻一箇傾三峽

似潑半盞茶跑損了丘明、駕棒、醜了屈宋、衙敢老  
聃逢釋迦、更鍾期遇伯牙、蒼頡生有面顏、宓犧皇  
無牽掛、肯同佗、秀才承乏、**末**奏上娘娘、有一箇李  
陵將門之子、大好文才也、**李扮二**郎盔錦袍上、俺  
李陵喜波東方曼倩薦我文學者、**下**

**鵲踏枝**

母他好名家、恁豪俠、扼虎男兒、射石根芽、

餓方朔

五言句開天大雅半萬兵騰地平踏末臣朔謹奏

漢天子所聘正宮陳氏文辭容德臣敢道人中第一也呀遠遠已見鳳輦請娘娘試看者旦兒扮披髮貴女上妾乃大長公主之女母親被召入官將次朝回須索向前迎接也下

寄生草

母呀金枝潤玉葉華肉身親現天孫駕脂

腮吐出神仙話胞胎長就珍珠價端詳那皇姑根派聖人家自合向嫡親中表當今嫁東方朔您好得著便宜者



不但東方  
增價已今  
金母魂附

後庭花

文章錦襯花。丰姿玉鮮瑤。鸞鳳生丹穴。麒麟

麟產渥洼。

東方朔。悠領一囊之粟。煞肯用心也。待

騰達幾多奇麗。成就漢皇家。那一班兒呵。

金錢兒

休猜做禁門。退休猜做御街。滑晨隨上苑。

無驚怕春融。金屋倍歡洽。認彩毫。攄白雪。簇團扇。

擁紅霞。百萬年受用些清世界。三千隊領袖著女

香娃。

賺煞尾

替東方添聲價。那些箇曲高和寡。紫電方

瞳。不負煞真揀盡風流俊。灑笑呀呀。早笑得眼花。

鐵方明

笑劣仙恁要慣警警喫打料一會兒赴蓬萊再領玉鞭撻。

## 第二折

淨上郭滑稽好沒興也、領著王母娘娘仙旨、與東方朔分些勝負、不想這老兒將五箇報與娘娘看過中意了、那中中貨兒下邊不理、莫道上界憎嫌、只我仔細看來、終家小厮小頭小腦、還不敵那六十歲底公孫老秀才。司馬遷只記得古來幾代死鬼底事件、怎如啗那張提控把現在活人罪名要。

大呵便大。要小呵便小。他喜筆尖虛飄飄底相如。  
幹得甚事。俺卜大郎靠些穀子。積百巴千。李陵這  
厮。學一頭武。學一頭文。爭如馬坊裏小休屠子。做  
人執一不則此等。就是陳公主女兒。恃著種草。與  
皇帝不爭高下。怎如李行首。討得來小小心底  
大姐也。娘娘仙駕已臨。須等候迎接者。**虛下**

**南呂一枝花**

王母上乾坤平減加。日月閒騰那千。

年喬木蔭比不得半刻碧桃花波也麼查笑書生  
覷的人間大等間說說煞俺仙家。道黑嚶嚶三年

內舉子開場。赤緊緊。半夜裏官員放假。

梁州第七

涎吐兒。今知漣灞。燈煤裏。揀出嵩華看。

來萬物無真假。一些子。要東達三鴟。南臨三楚。西

控三巴。閑時節。蠻觸爭蝸。靜時節。螻蟻排衙。好則

是暫。到人間。蚤俺也。嗟呀。蚤俺也。驚詫。祇怕命高

福厚。無虛詐。郭滑稽。通祿馬。五星十耀。照蟲沙。蚊

睫畔。爭誇。淨上。適來王母娘娘。似贊小子。祇領公

孫弘。張湯卜式。向夢中瞻天仰聖。稽首叩首。公孫

弘。儒巾白鬍。卜式短白鬚。蓑衣荷鋤。張湯吏巾拜

介母郭滑稽道底名姓俺知了者

**隔尾**

公孫弘您雪霜髭只怕騎不的探春馬張湯

您卯酉簿只怕押不的畫日衙卜式則是您也道  
不的虞舜于田禹躬稼美墮好呀郭滑稽您看波  
一幅兒雨蓑晴笠凌煙畫三人下金日碑扮小胡  
兒牽馬上淨有胡雛金日碑好福也

**罵五郎**

母俺只道掌穆王掣電流星駕原來是失

槽驢拋隊馬胡兒呵臘髻暑鬣勤梳刷跟伯樂向  
雪廐踏隨伯剛向天街踏候造父往雲山跨金下

淨娘娘道不中呵。則有一李行首底女兒李大姐。  
敢是有福者。搽旦扮小妓束腰拜介。

**感皇恩**

母哎。露。水。鮮。花。風。浪。浮。葩。可。憐。煞。早。霧。苗。

偷春笋。冒寒芽。只怕那酒闌雨雜。歌停雲滑。敢則是。夢魂兒。蚤把星期架。八字裏。有字宿夾。姻緣事。似霧雲沓。妓下淨。臣道可入官也。

**採茶歌**

母你要擎豔質。去做上陽花。只怕選宮人。

沒那過時爪。煙月牌。剗地掛。長秋駕。配日同天。就將妃嬪轄。只笑您把皇家輕耍。口兒滑。淨下旦笑。

介

牧羊添四足。將蛇畫隔雙靴。把癢抓問渭水幾箇。  
老姜牙有多少。播穀封邵耕莘。伐夏臯陶。非令史。  
下惠豈隨衙。要那胡雛也。似開剝行市駿骨。那妮  
子也。教坊司占破瓦。

一煞漫回首。向羣仙笑煞。湯滾黃梁半粒麻。河決  
崑崙一點沙。有甚爭差。來尋孔鱗。忙刺刺癡把戲。  
玉酒甘先罰。費嘴撩牙。

煞尾。東方朔。覷底醉眼花。郭滑稽。熬底手心滑。漢

官家還夢裏坐高衙。俺暫返瑤池者。蚤碾霧拖雲。  
這一霎。

### 第三折

仙女上。莫道塵寰小。塵寰恩怨多。不移彈指頃。幾  
許事消磨。俺王母娘娘駕到瑤池。遙見漢家那點  
兒土上。一南一北。有牛毛般兩根怨氣。中間黃黑  
相雜。冤喜朦朧。令我前往一觀者。下。李陵上。腰間  
寶劍七星文。臂上瑠弓百戰身。昨日雲中擒黠虜。  
今朝天上失將軍。俺孤軍百戰。斬虜萬千。大將不



援陷我死地、只得降胡、索拜辭了漢家咱、拜哭更  
虜裝介李陵李陵、怎有今日也、下終軍大帽青袍  
繫絲上高田種小麥、種久不成穗、男兒在他鄉焉  
得不憔悴、俺以文學仕漢、不令參預政事、狠志請  
纓、大臣陷俺、著爲行人、單身來此南越、召王入朝、  
目今南越已反、發兵四面圍俺、俺終軍性命只在  
眼前也、作悲介下孤扮漢武、且兒扮陳后、搽旦扮  
李夫人、內侍引上蓬萊宮闕對南山、承露金莖霄  
漢間、西望瑤池降王母、東來紫氣滿函關、朕今日

視朝合行賞罰、內侍們宣公孫弘、張湯聽旨、侍傳  
二人前扮見介、駕公孫弘文學優長、賜廷對第一、  
拜右丞相、封平津侯、張湯吏治精敏、可御史大夫、  
行三公事、公孫換金直翅紗幘頭、張展翅幘頭、各  
蟒衣、山呼下、駕宣卜式、侍領旨、駕宣金日磾、侍領  
旨、卜破氊帽、短布衣、金前扮見介、駕卜式富國勤  
勞、加太子少傅、爵關內侯、金日磾宿衛忠勇、封秬  
侯、領車騎將軍之職、卜紗帽、金方幘頭、各蟒衣、  
山呼下、駕傳旨外朝司馬相如、本緣納粟、文體浮

華量准、加納事、例授文園令、革祿、回籍、司馬遷黨、  
附李陵、譏切當代、闢爲宦官、俱卽施行者、侍向鬼  
門、宣旨內呼萬歲、介駕皇后陳氏、多生怨望、巫蠱  
朕躬、可奪章服、廢爲庶人、長門宮居住、后換道扮  
褐色衣、拜介臣妾罪該萬死、謝聖人不殺之恩、駕  
李氏進對溫良、朕心嘉悅、冊爲皇后、可加翟褙者、  
搽旦換盛服上呼介駕御卿少禮、旦兒率侍叩首  
介天人交慶、願吾皇萬歲、娘娘千歲、駕李賜汝等  
平身、衆响道駕攜李旦兒隨後泣下、司馬相如大

翅短紗帽素服角帶引小廝上俺相如奉聖人之  
命罷歸臨叩舉朝新貴人無我同輩只司馬子長  
蠶室病創須往一別者廝報介司馬老爹拜公公  
司馬遷扮內官上呀長卿您便還鄉咱好痛殺也  
相如子長您怎到這般模樣者遷痛莫痛于辱身  
醜莫醜于腐形看來我們四個兒您還留著貲郎  
本色便是文人第一流休煩惱則箇相如俺從此  
便拜別哥哥也各拜泣前後下仙女上顛倒顛倒  
便神仙也索薄炒肚子氣得須彌般大喉嚨斃得

芥子般小、要闢浮衆人平等恩仇、間如來到今七  
種煩惱、俺觀的漢家賞罰、真悶殺人也、娘娘聖駕  
前回奏去、

**中呂粉蝶花**

王母上

休說仙家被瞿曇這般看下

善憐天高居了三洛沙。他笑四行譏六行。村林煞  
吸露餐霞。怕塵根住識兜搭。猛墮著優陀延訖。**女**  
奏上娘娘。那怨氣是都尉李陵敗亡。行人終軍被  
難也、

**紅繡鞋**

母

只道他金印懸來斗大。只道他黑頭擁

去高牙。誰人要把眼釘拔。通千丈壯心隨左袵。教一靈怨魄引鳴笳。留幾行血淚消殘蠟。女那公孫弘廷對第一。拜相封侯。卜式做太子少傅也。

石榴花

母幾曾見雞毛禿筆再開花。牧豎踏官衙。

好天鵝喂著癩蝦蟆。騎牛底換馬。攪亂箏琶。只白鬚相對齒牙豁。霧朦朧眼上添紗。這件兒兩無厚薄。磚和瓦。真箇是李樹結黃瓜。女還有張湯牧三公。金日磾領車騎將軍哩。

鬬鶴鵒

母是了。坐中台底能串藁。隨衙領車騎底。

能剉柴養馬。好箇豸府棲鴉。虎臣當駕。押底那兩  
班文武有光華。把一朝官做了百事匣。愁只愁牙  
爪生威。漢兒暗啞。**母**司馬遷怎生了。**女**闍爲官者  
也。

**上小樓****母**太史名家。包羅著羲農虞夏。他怎願得  
冠左貂垂冠。右璫加帶。下衣袂。向內廷踏宮娥狎。  
豎涓們談話。早難道御屏下。闍寺動星華。**女**司馬  
相如。以貲郎罷歸臨邛也。

**么****母**相如初獻賦時。俺只道遇當家。離人鮓來顯。

那仙韻凌雲。異寶披沙。香錦蒸霞。又不販滿網茶。又不頂使錢牙。却怎生論官酬價。這些時臨叩市。酸和辣。再把酒旗叉。  
女那陳后廢爲庶人者。

**滿庭芳**

母哎。守空宮。蜥蜴靈砂。又何須枉雁分抓。

鏡鸞生寡。

女李倡兒冊了正官也。

母縱鵲鵲飛上。

金桃架道。不的捉牛。是馬。您還怕驚鴛打鴨。俺蚤是惜鳳隨鴉。魚龍化神鱗困沙。訕笑也憑蝦。  
女想那陳后也甘心也。

**耍孩兒**

母便鳳凰不與鷄爭價。怎忘了懷抱裏侯。



門下茶永巷貶嬌娃。又不爲桃僵李代些芽。一箇  
早扶上九天。他化一箇踹不任。萬里流沙。難道使  
臣們到勾欄下。聘財是寄情的羅帕。牽巾是標首  
的紅紗。

尾薄命真。薄命真。文章假。文章假。滑稽說盡天人  
話。占一紙旺財尅印生官卦。母下女呀。王母娘娘。  
到此也沒奈何了。文齊福不齊。文低命不低。連宵  
磨鴨嘴。明日賤擻雞。

#### 第四折

餓方朔

末上俺領王母娘娘玉旨往漢廷替那有文學底  
出口氣不想反悞了兩司馬君和終黃門李都尉  
好生乏趣只索見了娘娘也

**雙調新水令**

**母上**

泥汨災劫愁天罰。槐安玄象令

人怕蚊睫中顯化的神仙窟。毛孔裏同居著聖凡  
家塵也麼沙。吾道無微無大。東方朔您來了

**駐馬聽**

霄漢靈槎。紫宮星燦葡萄架。渥洼天馬綺

甸煙凝苜蓿芽。香塵匝。玉輅正元衙。桂煙橫寶仗  
迎仙駕。築堤沙。東方辟戟朝門下。漢家好一天封

拜也

罵盡一切  
骯髒無聊

滴滴金富國經綸。安邦律法。臨軒聲價。更有人掌

殿護朝家。東方朔。恁烏幘蒙頭。黃綬拖腰。紫標縛

膀。早敢向丹墀捧酒擎茶。末呀。娘娘訕殺臣朔也。

折桂令。母不是俺浪訕輕沙。那文章阿。扶乾坤靈

闕。萬物根芽。恁細細分叉。般般凌駕。點點搥撻。那

造物呵。可也禁不的赤精神。虛描硬畫。只得把黑

前程陽使陰加。再莫向細飯尋砂。牢船覓罇好肉

生疤。末臣朔早害饑了也。

餓方朔

十四

雁兒落母呀道不的參同守耀精真訣調黃姪玄

修不老方餐鍊休糧話末臣朔自吃了煙火之食

交梨火棗乾不濟事須索米來充肚也

德勝令母原來是曹交食量加廉頗脾胃滑那些

箇洞天能咽氣漿水不沾牙容納食腸不問長安

價粗辣穀神偏向皮囊化末說不得我急急往下

界有福人家借箸難道沒有向鬼門介有人麼祇

候哥哥傳說東方朔借斗米兒喫哩內俺卜少傳

爺和車騎金爺中丞張爺講話忙哩教您往司馬

文園和李韃子司馬太監家借去末歎介此間公  
孫丞相府只得向前堂候老先相煩稟一稟陪笑  
介東東東方朔懇借升斗之粟內丞相年老沒用  
怎不尋終家底却恁般擔饑受餓末好奚落我也  
來此已近長信謹叩頭者臣朔求一囊微祿以療  
饑疲淨上皇后娘娘令郭滑稽傳旨東方朔奏錯  
了向冷宮陳氏求去下末又不濟也餓得慌了還  
是上天有路遶場跑轉見母介

治美酒

母把神仙眼餓的花文章口放的下恨不

的糧糶秕穀滿街。揸還怕滾鍋兒無暇。也存想分  
昨日自矜誇。末娘。娘怎了也。母俺說與您者。

快活年。這壁廂那箇漢王家浮漚。豈有渣蟠桃放  
過兩三花。餓眼睜開罷。假上休添假鼻凹裏把黃  
梁抹。

太平令。能文底古今上下有福底。雪月風華算將  
來一絲不掛。算將來轉回說話省咱。曉咱沒米底  
休怕。餓方朔神仙口啞。

尾。慢提那子房辟穀閑中話。看雲陽市飽後風華。

一飯有何加。倒不如守長饑。七尺淮陰勝。